

2
DISSERTATIO PHYSICA ET MATHEMATICA

QVA

C A U S S A E

MOTVS PLANETARVM

EXPLICANTVR

QVAM

AMPLISSIMO PHILOSOPHORVM ORDINE CONSENTIENTE

D. XXVIII. IVL. MDCCLXVIII.

PVBlice DEFENDET

PRAESES

ADOLPHVS ALBERTVS HAMBERGERVS

PHILOS. ET MEDICINAE DOCTOR

CVM RESPONDENTE

GEORGIO FRIDERICO ECKHARDO

IENENSI

MEDICINAE CVLTORE



IENAE

LITTERIS FELICIS FICKELSCHERRII



58700(2)



DE CAVSSA MOTVS PLANETARVM



De motu planetarum, qua ratione et quibus ex caussis eveniat, quaesitum saepe est inter eruditos; neque tamen, quod sciam, quaerendi finis factus, nec ita explicata res, vt, in quo acquiescat, indagandi solertia inveniat. Itaque non longo ante tempore *Mr. l'Abbé Bossut, Prof. Royal de mathematic aux Ecoles du Genie, Corresp. de l'Ac. Royale des sc.* eam quaestionem tractavit, cuius libri haec est inscriptio: *Recherches sur les alteration que la resistance de l'ether peut produire dans le mouvement moyen des planetes*; de cuius rationibus, quomodo sint comparatae, quia librum eius legere nondum licuit, dicere non possum. Me quidem vt eandem tractarem quaestionem, phaenomena quaedam admonuerunt, in pilae ludo artificiali a me observata, ex eiusmodi genere, quorum caussae e cognitis de conflictu corporum legibus, quidquid agerem, explicari posse primum non videbantur. Mira res visa est, pilam instrumento illo lusorio, quod *Raquet* adpellatur, oblique impulsam, in plano

A

hori-



horizontali lineam curvam percurrere. Aequè mirum hoc alterum visum est, pilam versus parietem lapideum, planum rectilineum verticale repraesentantem, maxima vi impulsam, ita quidem, ut incidentiae angulus magnitudinem viginti graduum non superaret, reflecti quidem sub angulo aequali, non autem ultra ferri eadem via rectilinea servata, sed ex diversis arcubus minoribus in aere factis versus parietem saepe retrogredi, ut in spatio quinquaginta pedum, ter, quater, aut sexies etiam, parietem feriret.

Totus cum essem in indaganda causa motuum tam insolitorum, mihi certe non familiarium; accidit, ut in amicorum circulo, hominum a naturali scientia non abhorrentium, sermonem eo dirigerem, eorundemque sententias explorarem. Quorum nonnulli sic sentiebant, motum curvilineum in visis illis observatum, a vi quadam centripeta et centrifuga oriri, quas vires, impulsu in pilam facto, esse liberatas opinabantur. Horum ego rationem uno physicorum decreto facili negotio confutabam, quo docetur, corpus, in quo vires diversae sint liberatae, moveri necesse esse versus unicum plagam, non plures, et quidem in linea recta, eaque diagonoli ex diversis viribus coniunctim sumtis orta.

Hoc concesso illi amice mecum altercantes quasi iure suo a me postularunt, se ut meliora edocerem. Quam in curam cum totus incumberem, re diligentius explorata adparuit, causam motus curvilinei in aere, non in illo impulsu pilae esse quaerendam, in aere, inquam, eiusque inaequali resistantia. Eo igitur res redibat, ut structuram pilae considerarem. Ac corpori quidem rotundo, polito ac laevi, a fluido, in quo moveatur resisti inaequaliter non posse cognoveram. Coniciebam ergo, pilae superficiem asperam esse, particulis minutis hinc atque inde exstantibus, ut corpora hirsuta solent esse. Ac ita sane res habuit: aspera erat pila, aut si mavis hirsuta. Itaque inventa quomodocunque causa erat motus curvilinei, quem dixi, sed videlicet nondum satis explicata. Collegi ergo circumstantias omnes illius in pila visionis, superficiem, quam dixi asperam, motum pilae cum circa proprium centrum, tum versus unam aliquam plagam, eundemque in aere resistente factum. His rebus invicem collatis ac perpensis depre-



deprehendi, pilam in quarta parte superficiei maiorem accipere resistantiam ab aere quieto, in quo movetur, quam in partibus reliquis. Ex quo sequitur, ut eius motus directio mutari facillime possit. Breviter ut dicam, haec sic cogitata idonea visa sunt, quae in caelum transferrentur. Transtuli ergo, et ex theoria pilae, quae in lineis curvis per aerem fertur, exstructa, existit tandem theoria, quae motum explicat planetarum suis ex causis, huc usque, quod equidem sciam, incognitis. Nam motum ipsum planetarum viri eruditi, e quibus *Newtonus* eminet, explicauerunt; causam vero motus curvilinei, quo illivolvuntur, nemo praeter parentem meum beate defunctum attigit. Qui quidem cum ultra leuem aliquam probabilitatem non sit progressus; ea in re neque mihi neque aliis potuit satisfacere. Dicendorum ordo is erit, ut primo loco ponantur experimenta, quibus theoria nostra nititur, quae, quam fieri poterit, singula explicabuntur. Deinde horum applicatio ad thesin nostram probandam fiet. Denique observationes nonnullae adducentur, quarum eam esse virtutem putamus, ut ex iis prolata theoria lectoribus magis magisque probetur atque corroboretur.

§. I.

Impellatur oblique pila P., cuius diametri magnitudo circiter ^{Tab. I.} duorum pollicum sit, ipsa panno hirsuto obducta, instrumento ^{Fig. I.} quodam, quod in ludo pilarum artificioso *Raquet* vocatur, ac ita quidem impellatur, ut ab A. versus B. motus instrumenti *Raquet* dicti fiat; situs vero instrumenti maneat parallelus cum linea A F. Tum movebitur pila P ob directionem A D ab E versus G; ob directionem A F vero, superficiei partes movebuntur ab E versus H₂ et ab H₂ versus H₃ et sic porro. Ergo eodem tempore, quo movebitur pila ab E versus G volvetur eadem simul circa suum centrum C. Notandum tamen, impulsus esse debere graviolem, ita ut et celeritas ab E versus G et celeritas motus circa centrum, satis magnae evadant.

§. II.

Ponatur hoc, moveri pilam tali modo descriptam in fluido subtiliori aliquo quieto non nisi circa suum centrum, tum resisten-



Fig. 1. Tab. I. tia eminentiarum in superficie positarum, in omnibus superficiei locis erit aequalis. Sumto vero hoc, moveri pilam circa suum centrum, et simul ab E versus G, ratio resistentiae aequalis cessat, ergo resistentia in diversis locis fit diversa.

§. III.

Sive dicas: movetur pila, quae volvitur circa suum centrum, in fluido quodam subtiliori et quieto, versus plagam aliquam; sive dicas, pila, quae volvitur circa suum centrum, quiescit, et fluidum, in quo est, versus eam movetur a plaga aliqua, hoc, vires in se invicem agentes si spectes, vnum idemque est. Quia vero in casu posteriori demonstratio inaequalis resistentiae fluidi versus superficiem pilae magis apparet, illum ipsum assumamus.

§. IV.

Fig. 2. Tab. I. Quiescat igitur pila P in fluido aliquo, dum hoc ab F versus G moveatur, si pila non volvitur circa suum centrum, fit impetus fluidi aequalis in totum hemisphaerium H H H. Si volvitur a B versus I circa suum centrum, tum eminentiae, quae haerent in dimidia parte I K hemisphaerii H H H, moventur in directione contraria directioni fluidi moti F G, quod idem est, ac si fluidum motum duplici celeritate versus illas eminentias moveatur, quoniam reliquae eminentiae K L in dimidia parte hemisphaerii H H H positae, eandem directionem cum fluido ab F versus G moto servant, adeoque nullam fere resistentiam, sive impulsu nullum a fluido patiuntur.

§. V.

Cum itaque demonstratum sit, pilam tali modo motam, in quarta parte totius superficiei, maiorem accipere resistentiam, quam in reliquis superficiei partibus, sequitur, ut motus fiat versus plagam contrariam, ideoque pila moveatur in alia directione, diversa ab ea, quam ab impulsu accipere debebat.

§. VI.

Eadem haec causa, quae resistentiam maiorem in quarta parte superficiei pilae producit, in omni momento motus adest, ergo











Fig. I.



157





ergo pila omni momento directionem suam mutare debet, i. e. percurrere lineam curvam, et quidem in casu allegato lineam curvam E X. Tab. I. Fig. 1.

§. VII.


Alterum experimentum eandem habet rationem. Nam isto momento, quo pila P impulsæ, attingit parietem, punctis istis superficiæ, quæ attingunt parietem, resistitur, quod illis est impedimento, quo minus tanta celeritate moveantur, quanta reliquæ partes pilæ moventur, itaque hac ex causâ oritur motus circa centrum pilæ. Si vero motus circa centrum eiusmodi pilæ, quam descripsi, contingit, simulque motus eiusdem vehementior versus aliquam plagam in fluido aliquo resistente, secundum demonstrata §. I. usque ad, VI. fit motus curvilineus, ergo pila mota, quæ secundum directionem incidentiæ A B percurrere debebat lineam B C, describit arcum B D. Ob eandem rationem in puncto D. a pariete resistente retropellitur sub iisdem circumstantiis, ergo percurrit arcum D E et sic porro. Tab. I. Fig. 3.

§. VIII.

Nemo physices peritus ignorat, esse fluidum, quod æther appellatur, quem omnes consentiunt, esse tam subtilem, ut penetret omnia interstitia corporum nostrorum liberrime. Itaque si assumas penetrare posse fluidum omnia interstitia corporum, continget illud singulas corporum particulas. Sumamus porro, moveri vel fluidum tam subtile; tum impetus fiet in omnes corporum particulas: vel moveri simul omnes particulas corporum in fluido tam subtili; tum omnibus particulis quodam modo resistitur.

§. IX.

In experimento meo allegato fluidum, in quo contingebat motus pilæ, aer erat, qui, uti experientia monstrat, non tam facile penetrat corporum interstitia; unde partibus pilæ, in superficie haerentibus, tantummodo poterat ab aere resisti. Si vero assumas motum fieri in fluido subtiliori, qualis est æther; omnes particulae a fluido continguntur et impelluntur. Ergo resistentia, quæ ab hoc impetu existit, maior est illa resistentia, quæ pilæ in aere motæ opponebatur.



§. X.

Circumstantiae, a quibus curvatura lineae maior vel minor pendet, hae sunt, si assumam fluidum vndiquaque esse homogenum:

- 1) Celeritas motus progressivi maior vel minor, hoc est motus a loco ad locum;
- 2) Celeritas motus rotationis, qui fit circa centrum corporum maior vel minor;
- 3) Numerus partium, quae mouentur, vel massa corporis moti, maior vel minor.

§. XI.

Age transferamus has circumstantias ad explicandum motum curvilineum maiorem minoremque. Sint igitur duo corpora eiusdem massae, et eadem celeritate motus rotationis, sed diversa celeritate motus progressivi; istud corpus, quod maiorem habet celeritatem motus progressivi, percurreret lineam maioris circuli, quam istud corpus, quod eandem habet celeritatem motus rotationis, et minorem celeritatem motus progressivi.

§. XII.

Porro si assumitur motus progressivus duorum corporum aequalis, motus vero rotationis diversus, tum istud corpus, quod maiorem habet motum rotationis, percurreret circulum minorem, quam illud, quod eundem motum minorem habet.

§. XIII.

Si denique motus et progressivus, et revolutionis assumuntur aequales, duorum corporum, quorum massae sint diversae; istud corpus, quod maiorem habet massam, maiorem quoque percurreret circulum, quam, quod eandem minorem habet.

§. XIV.

Cognitis sic causis generalioribus, ex quibus motus oritur curvilineus, paulo accuratius age, rem consideremus, vnde clarius apparebit motus curvilineus planetarum, de quo nunc agimus.

§. XV.

Consideramus igitur planetas primarios, eorumque motum, ac facile elucescet, eorum motus convenire cum motu, quem pilae



lae in experimentis allegatis tribuimus. Omnes enim illi moventur ab occasu versus orientem, et simul circa suum ipsorum centrum, itidem ab occasu orientem versus, in fluido quodam subtiliori, aethere nempe, quod penetrare potest interstitia. Ergo secundum demonstrationem §. I usque ad §. VII, in quarta parte sui corporis maiorem accipiunt resistantiam, quam in partibus reliquis. Et ab hac quidem resistantia, in quarta parte corporum maiori efficitur, ut a linea recta aberrant. Haec inaequalis resistantia omni momento motus adest, ergo omni momento mutatur directio motus, id est percurrunt planetae lineam curvam.

§. XVI.

Determinatur haec aberratio a linea recta, a circumstantiis caussarum §. X-XIII allegatis, ita ut quo maior sit resistantia ab aethere facta, eo maior aberratio a linea recta fiat, adeoque, quo maior resistantia, eo minor circulus, quem percurrunt, efficiatur.

§. XVII.

Quaerendae nunc caussae sunt tam motus progressivi, quam motus rotationis planetarum primariorum.

§. XVIII.

Ad causam quod attinet motus progressivi, istam, si accurate circumstantias consideremus, in motu solis circa centrum vni- ce quaerendam esse existimo, quod sequenti experimento probabo. Experientia quotidiana confirmat, quodlibet corpus in fluido quodam haerens, et circa proprium centrum motum, tribuere fluido, in quo existit, motum circularem, ita tamen, ut, quo propius sit fluidum corpori moto, eo maiorem illud accipiat celeritatem, quae quidem celeritas decrescere debet, sicuti distantiae fluidi a corpore movente crescunt, quoniam actio corporis in quovis maiori circulo maiorem accipit resistantiam, ob maiorem numerum partium, quae ab una eademque causa impelluntur. Et quia ubique fluido cinctum est corpus, quod in eo movetur, celeritas fluidi decrescit, uti resistantiae crescunt, i. e. in ratione cubica.

§. XIX.

Convenit hoc cum regula a *Keplero* inventa, quod nempe quadrata temporum revolutionis duorum planetarum sint, uti cubi distan-





distantiarum. Eadem haec regula valebit de omni motu in fluido quovis, quod exempla illustrabunt. E. g. sonus, qui oritur a motu in aere facto, eo debilior redditur, quo magis locus, vbi percipitur, est remotus a loco, vbi ortus est. Pari modo quo maiores sint circuli, qui oriuntur, quando lapis vel aliud corpus grave in aquam iniicitur quietam, e. g. in paludem stagnantem, eo debiliorem esse motum eorundem experientia docet.

§. XX.


Tab. II. Affertum hoc illustrabit experimentum, quod hic adducam. Im-
Fig. 4. pleatur aqua vas amplum e. g. V. V. V. V. cuius diameter vasis sit ≈ 12 vsque 16 pedibus parisiis. In centro vasis applicetur corpus quoddam Q Fig. 10. ita, vt ope rotae R volvi possit circa suum centrum. Quamprimum movebitur corpus asperum circa centrum, aqua circa corpus haerens, eodem motu circulari feretur circa corpus Q, qui cietur ab eiusdem corporis impulsu. Observari poterit in isto experimento, aquam quo propius absit a centro, eo maiori, quo remotius absit, eo minori celeritate ferri.

§. XXI.

Tab. II. Fieri poterit experimentum, si aquae imponas corpora leviora,
Fig. 4. e. g. lignea. A. B. C. quae quidem filis tenuioribus centro adplicanda sunt, ne in lineis tangentibus ab illo abeant peripheriam versus, quod nisi connecterentur cum centro, certissime eveniret. Mobiliter autem corpuscula fluitantia pendere ex maiori illo corpore per fila necesse est, ne a motu rotationis fila per illud convolvantur, et centro magis magisque appropinquent corpuscula. Quod vt evitetur, opus est axin corporis Q, a quo aqua commouetur, circumdari lamina ferrea, orbiculis instructa ferreis per intervalla e superficie exstantibus, a quibus sustentari possint annuli ferrei mobiles cylindro adplicandi, vt lineis filis nexa ex illis corpuscula pendere in aqua fluitantia libereque moveri possint. His rebus effectis, vt rite fiat experimentum, duo sunt notanda et diligenter observanda.



1107





- 1) Aquae altitudo aequalis debet esse altitudini corporis Q , quo neglecto, in centro motus aquae quasi excavatio aut gurges existit, in quem corpuscula fluitantia praecipitantur.
- 2) De celeritate motus cavendum est, ne nimia eius vehementia vndae oriantur, quippe quae motum regularem turbant.

§. XXII.

Comparentur invicem experimento in eum modum instituto, quem dixi, tempora revolutionis corpusculorum fluitantium! Comparavi equidem illa atque cognovi, eandem habere rationem, quam cubi distantiarum habent.

Corpusculi corpori Q proximi distantia aequalis erat numero $= 3$. revolutionis tempus $=$ minutis secundis 17. horum numerus quadratus aequalis 289. et radix cubica extracta $= 6\frac{1}{3}$.

Corpusculi secundi fluitantis distantia erat aequalis $= 4$. tempus revolutionis $= 24$. minutis secundis, cuius numerus quadratus $= 576$, radix cubica $= 8\frac{1}{8}$. Tertii denique corpusculi distantia aequalis erat numero 6 revolutionis tempus $= 40$ minutis secundis, cuius numerus quadratus $= 1600$, radix cubica $= 11\frac{3}{4}$. Itaque videre licet, revolutionis tempora eandem habere quam proxime rationem, quae inter distantias corpusculorum fluitantium a centro corporis Q obtinet.

Quod non exacte respondent quadrata temporum revolutionis intervallorum a centro cubis, causae sunt in promptu, primum, quod fila, ex quibus corpuscula fluitantia pendent, propter humectationem eandem non exacte retinent longitudinem, qua ex re intervalla a centro mutantur; deinde affricus, quem annuli ferrei a cylindro patiuntur, non idem semper est, sed modo maior, modo minor; denique rotatio corporis Q , quae manu efficitur, eadem cum celeritate fieri semper nequit.

§. XXIII.

Age! has observationes ad planetas transferamus, qui in vastissimo illo caeli aethereoque spatio volvuntur diversis a sole intervallis, ut cognoscamus, quanta sit similitudo illorum motus inter



atque motum corpusculorum meorum in aqua fluitantium. Ac primum quidem de planetis constat, instituta celeritatis eorundem comparatione cum celeritate globi e tormento bellico eiectionis, esse celeritatem \propto 253 partibus maiorem celeritate globi e tormento bellico eiectionis

celeritatem ♀. 185 partibus

celeritatem ♀. 157 partibus

celeritatem ♂. 126 partibus

celeritatem 4. 66 partibus

celeritatem 5. 51. partibus maiorem celeritate globi e tormento bellico eiectionis. Cum ergo Saturnus a sole spatio longissimo absit, Mercurius brevissimo, ceteri planetae pro ratione loci, quem in illa serie habent, magis minusve distent; apparet, planetas, quo magis a sole absunt, eo minori celeritate moveri. Haec una collationis pars est. Sequitur altera in determinandis intervallis posita, quae *Keplero* duce facillime instituitur. Notum est enim ab illo inventam esse computationem motuum ratorum, quos planetae in orbitis suis absolvunt, quorum ratio haec est: ut cubi distantiarum, ita temporum quadrata se habent.

Cum ergo in experimento a me facto motus corpusculorum fluitantium eadem sit ratio, quorum quippe quadrata temporum sunt, uti cubi distantiarum; porro cum, ut in experimento illo a motu corporis Q motus circularis aquae oritur, ita aetheris, in quo planetae pendent, motus circularis a solis circa suum centrum motu pendet; nam ab effectuum similitudine ad causarum similitudinem licet concludere: perfecta similitudo apparet motuum, quibus corpuscula illa fluitantia feruntur cum planetarum motu.

§. XXIV.

Si libere ferrentur in illo circulari motu corpuscula fluitantia, si filis centro cylindri non essent alligata; magis ac magis continuo motu a centro dixi recessura esse. Quoniam igitur eiusmodi recessus a centro, scilicet sole in planetis non observatur, alia causa ut adsit necesse est, qua efficiatur, ut planeta ad centrum commoti aetheris tendat: quam quidem causam positam esse putamus in motu planetae circa suum centrum, quod ex §. 1 usque ad 7. intelligi potest.

§. XXV.



§. XXV.

Quaerenda ergo est caussa motus planetarum circa suum cuiusque centrum, quam caussam reperire ego mihi visus sum in radiis solaribus: quod primo momento statim probabile non videbitur, accuratius vero consideratum facillime apparebit.

§. XXVI.

Notum est unicuique, quanta sit radiorum solarium celeritas. Quanquam igitur eorum massae sint minutissimae, tamen impetus erit satis magnus ad effectum aliquem producendum. Effectus autem aliquis radiorum solarium sese manifestat in vitris causticis, unde apparet ex collectione sola, impetum radiorum solarium tantum esse, ut maximus caloris gradus producat. Itaque cum tam parva quantitas, quam in vitris causticis etiam maximis colligimus, effectum tam sensibilem possit producere, cur ego non existimem, radiorum solarium quantitatem tantam, quae totum hemisphaerium globi terrestris impellit, effectum insignem producere non posse.

Equidem scio, effectum, quem radii solares per vitra caustica producunt, esse valde diversum ab isto, quem ad demonstrationem meam postulo: sed sufficit interea scire, radios solares motu suo effectus sensibiles posse producere.

§. XXVII.

Non hic hoc quaeritur, utrum radii solares sint particulae aetherae, an vero ab iis sint diversi; sed sufficit corpus aliquod fluidum a sole omnes plagas versum in lineis rectis moveri cum summa celeritate, quam descripsit *Niewetyt in der Betrachtung der Welt*.

Notum est radios solares constare ex particulis minimis, quae a sole maxima cum celeritate versus omnes plagas in lineis rectis moventur. Quocunque ergo in loco planeta sit, ab his radiis impellitur. Consideremus igitur, quibus sub circumstantiis impulsus in planetas fiat, et praecipue in nostram terram, cuius quippe notitiam paulo maiorem habemus.

§. XXVIII.

Sit itaque S sol, T terra, h b k hemisphaerium, quod a radiis solaribus illuminatur, sive impellitur, V Q via, quam terra per-

Tab. II.
Fig. 5.



percurrit, h et k puncta extrema superficiei terrestris, quae illuminatur. Si terra T movetur ab V versus Q, radii solares, quibus impellitur terra in superficie h b k considerandi sunt, quasi moveantur ab O versus P. Punctum h igitur magis perpendiculariter ratione globi impellitur, quum punctum K oblique magis impellatur, quo efficitur, vt globi a talibus viribus impulsus, motus existat circa suum centrum, ab h versus k per b.

§. XXIX.

Tab. I.

Fig. 6.

A posteriori probatur haec thesis experimento, quod hoc modo potest institui. Paretur ex ligno aliquo leviori sequens machina, quam Fig. 6. No I. exhibet. Connectatur cum tabula lignea globus ita, vt in mediae tabulae inferiori parte sit foramen, ex quo axis ferreus ascendat, in cuius cacumine haereat vexillum, vti monstrat Fig. 6. N. I. II. III. Imponatur machina fluvio S R V Z, cuius directio fluminis sit F G et fune modo transversim trahatur per flumen A B, modo quiescat. Ac quiescente machina, globus mobilis etiam quiescet, quanquam impetus in eam a motu fluidi non sit exiguus in hemisphaerium a d b. Quam primum vero traxeris transversim per flumen, statim ruet globus circa axin, quod in vexillo observari poterit.

§. XXX.

Sunt autem in instituendo hoc experimento cautiones plures adhibendae. Ac primum quidem efficiendum, vt situm perpendicularem semper habeat machina. Quod vt obtineatur, necesse est, vt homines in vtraque ripa stent, machinam trahentes funibus tabulae vtriusque nexis. Funes autem in tres quisque partes desinentes, in totidem punctis machinam apprehendant forma trianguli, punctis binis in tabula collocatis, tertio infra in ligno, quo globus sustinetur. Ita fiet, vt situs machinae perpendicularis commode retineatur. Porro cum aqua suo impetu in superficiem globi levem aut politam oblique agere nequeat, certe non fortiter, quod satis sit; cautio altera haec est, vt striis instructus sit globus secundum axes directionem, propterea, vt in easdem agere oblique aqua commodius possit. Tandem quia raro celeritatem



tatem fluminis licet reperire tantam, ut impetus aquae maior sit reactione eius in parte opposita, videndum est, ut celeritas motus transversi proportionem iustam respondeat fluminis celeritati. Harum rerum una vel altera vel omnibus neglectis, mirum videri nemini debet, si experiundae rei speratae conatus eludantur.

§. XXXI.

Igitur, quoniam huius experimenti ratio in fluvio, vel amne, vel rivo aliquo operosior est; redeat lector a fluminum ripis cum machinula nostra in conclave quisque suum, vel alterius, ubicunque fuerit fenestrarum oppositarum e regione commoditas. Aperitis fenestris, ut aeri, maxime cum vento agitetur, liberior transitus detur, opponat aeris irruentis spirabili flumini machinam directe: tum vero globus, quemadmodum in torrente accidebat, quiescet. Post transversim moveatur machina, ab uno fenestrae latere ad alterum; tum extemplo movebitur globus circa axin, qui simulatque motus transversus cessabit, rursus quiescet.

§. XXXII.

Itaque licet videre, globum in machinula nostra esse in quiete, quamdiu ab aquae flumine secundum eius directionem solum ex pondere ruente impellitur. Sin autem machina transversim per flumen trahatur ab A versus B aut transversim per fenestram; actio fluminis in idem hemisphaerium a d b considerata est, quasi fiat ab X versus Y. In hoc vero casu impetus aquae aut aeris in hemisphaerium a d b in puncto b magis versus centrum globi directus est; cum in punctis d et a oblique magis peripheriam versus sit directus. Atque ex hac causa, quia vires in punctis oppositis non sunt aequales, existere necesse est motum circa axin globi a puncto b versus d et a. Tab. I.
Fig. 6.

§. XXXIII.

De motu globi in machinula nostra diximus satis; sed celeritatis rationem nondum attigimus. Haec etiam si ab eadem vi unus idemque globus, sed sub diversis directionibus impellatur, tamen est diversa; quod ita intellectum volo. Quando hemisphaerii, quod



a fluido moto impellitur, termini vltimi congruunt cum axe globi, circa quem globus est mobilis, quale quid accidit in situ globi verticali; celeritas, quae ab ista caussa nasci potest, maxima est. Quo magis vero termini vltimi hemisphaerii ab aqua vel aere impulsu aberrant ab axe, quae aberratio a situ globi obliquo pendet; eo minor est celeritas, quod videre licet ex Nr. 2 et 3 Fig. 6. Nam etiamsi in quocunque situ, vel verticali, vel magis minusve inclinato globus ab iisdem viribus impellentibus circa suum axem vertatur; tamen is motus rotationis, vt dixi, diversus est ab iisdem viribus impellentibus, pro situs diversitate, quem globus habet.

§. XXXIV.

Ex his experimentis coniunctim sumtis phaenomena omnia, quae in planetis observantur primariis, sequenti modo poterunt explicari. Quando igitur S sol volvitur circa axin suum, ab o c per m ad o r. in fluido aethereo; cum omni aethere ambiente solem idem motus circularis communicatur, quo sol cietur, ab OC per M ad OR. ita tamen, vt quo propior aether sit soli, eo maior sit eius celeritas, quod probatur experimento §. XX et XXI. allegato. Moveatur simul corpus aliquod fluidum in lineis rectis a sole quaquaversum, quod sunt radii solares. §. XXVII. XXVIII. Quodsi hoc posito, in fluido illo solem ambiente, corpora solida raperiuntur rotunda in diversis locis, sunt autem in aethere planetae; ea corpora erunt in eiusmodi statu, qui oritur, quando experimentum §. XX et XXI. cum experimento §. XXVIII. coniungitur. Nam ab impulsu fluidi aetherei in motu circulari constituti, conatus existit planetarum ad motum in linea tangente X Y. §. XXI. ab impulsu vero radiorum solarium, qui ob motum planetarum considerandus est, quasi a puncto O versus idem hemisphaerium fiat, motus oritur rotationis in planetis §. XXVIII. Ergo moveri necesse est corpora ab X versus Y simulque volvi circa suum ipsorum centrum, ab impulsu, quem a radiis solaribus patiuntur.

§. XXXV.

Dum corpus aliquod rotundum in fluido subtiliori tendit ad motum in linea recta, quod simul volvitur circa suum centrum,

tum



tum vero sub iisdem circumstantiis illud est, quam pila in experimentis §. I vsque ad 7. allegatis; moveretur enim corpus ab illo conatu in linea XY ; quod cum fit, volvitur circa axin suam ab a versus b et c . Itaque secundum demonstrata §. IV. quartae parti b Tab. I.
maiori vi resistitur, quam reliquis partibus, vnde aberret corpus Fig. 8.
necesse est a linea recta XY , et moveatur in linea circulari XZ .
§. VI.

§. XXXVI.

Si circumstantiae, sub quibus talis motus oritur, essent semper eadem, motus perfecte circularis esset. Sin vero caussae, quae cient motum vel progressivum vel rotationis, sub aliis atque aliis circumstantiis, maiorem efficiunt minoremve celeritatem, tum via, quam percurrit planeta, erit quidem semper linea curva, minime vero circularis perfecta, sed potius elliptica. Nam vt demonstra- vi §. XII. curvatura fit maior, si motus progressivus fit idem, et celeritas motus rotationis fit maior. Ac tale quid in nostra terra reperitur tempore aequinoctii. Etenim cum isto tempore hemisphaerium a radiis solaribus impulsus in suis ultimis terminis congruat cum axe terrae, circa quem volvitur terra; necesse est, vt vis impellens, aut causa motus rotationis fit maxima. §. XXXIII. Contra ea vero quo propior fit terra tropicis tempore solstitiorum, eo minus congruat hemisphaerium illuminatum seu impulsus cum axe, circa quem volvitur; sequitur, vt eo minor fit vis impellens a radiis solis, aut motum rotationis ciens, ergo eo minor celeritas motus rotationis ipsa. §. XXXIII. Itaque etiam lineae, quam terra eo tempore percurrit, curvatura minor est. §. XII.

§. XXXVII.

Tempora rotationis terrae minora esse, aut quod idem est, celeritatem rotationis terrae maiorem esse aequinoctiorum, quam solstitiorum tempore, confirmant observationes, quas e commentariis academiae scientiarum regiae Parisinae collectas *Henricus Sully* sequenti aequationis tabula exhibet, quae sic se habet. Ponitur rotationis terrae tempus medium horarum viginti quatuor, quod observatur, quotiescunque sol in meridiano est. Hoc tempus
pus



pus accurate tabula designat, quo comparatio instituitur temporum ab illo diverforum in diebus ac mensibus, qui inter aequinoctiorum tempora labuntur. Itaque licet observare in tabula, solem iis mensibus, qui propiores sunt aequinoctiis, minutis primis aliquod citius, mensibus autem, qui solstitiis propiores sunt, minutis aliquot tardius meridianum intrare.


Nam citius intrat	Febr.	Mart.	April.	minutis primis
	0	8	7	
tardius intrat meridianum	Aug.	Sept.	Octob.	minutis primis.
	5	9	6	
	Mai.	Iun.	Iul.	
	0	5	3	
	Nov.	Dec.	Ianuar	
	5	14	10	

§. XXXVIII.

Ex hoc medii temporis et temporum declinantium observatione sequitur, vt, cum aequinoctiorum tempore rotationis celeritas sit maior, quam celeritas solstitiorum tempore, ellipsis, quam terra describit circa solem, eam habeat figuram, vt, quia maior curvatura eius tempore aequinoctiorum, minor tempore solstitiorum sit, diameter eius maior sit circa aequinoctia, minor circa solstitia.

§. XXXIX.

Cum ergo solis motus circa eius axin' praecipua sit caussa motus fluidi aetherei circularis, et axis solis perpetuo eundem habeat situm; sequeretur ex adductis, vt etiam motus fluidi aetherei cum aequatore semper parallelus exerceretur, adeoque planetae primarii ab hoc motu aetheris impulsus et protrusi eandem viam retinerent, nempe parallelam cum aequatore. Experientia vero affirmat, planetas primarios non semper motum servare cum aequatore parallelum, sed vnumquemque eorum, dum orbitam suam semel percurrit, aequatorem bis secare, sub certo quisque angulo. Et orbita



orbita quidem terrae nostrae aequatorem secat sub angulo 23 graduum et 29 minutorum. Huius motus igitur planetarum causam, cum ex directione fluidi aetherei motus, tum ex motu rotationis terrae simul derivandam esse censeo, quemadmodum cymba natans in flumine, tamdiu eandem directionem cum fluminis directione obtinebit, quamdiu sibi relicta natat. Si vero homines cymbam dirigentes aquam remis impellant ad latus sinistrum, tunc cymba movebitur a regione sinistra versus dextram, et vice versa, mutata causa.

Similis motus, quem homines remis producant aquam impellentes in terra, est et in reliquis planetis primariis, pendens a motu rotationis vniuscuiusque planetae circa suum axin. Cum vero, ut motus cymbae existat a sinistra parte versus dextram, motum remorum versus sinistram partem directum esse oporteat, et ut a dextra versus sinistram existat motus cymbae, directionem motus remorum versus dextram partem fieri oporteat; haec mutatio autem motus planetarum circa axin tali modo non fiat, ut modo versus sinistram, modo versus dextram partem situs axium eorundem dirigatur: sequitur, ut alia etiam causa adsit, quae similitudinem motuum cymbae et planetarum producat. Si ergo consideres tendentiam cymbae ex gravitate versus centrum terrae, et directionem aquae resistentis a centro terrae; opus esse apprehendes, ut, ad motum transversum producendum, remi versus unam alteramve plagam dirigantur. Planetarum vero vis centripe-
ta non tendit versus centrum solis, sed potius versus lineam quandam, quae oriretur ex continuatione axeos solis. Fluidum aethereum vero, quia a sole commoveretur, non aliter poterit considerari, ac si e centro solis versus omnes plagas motus fiat; hoc vero respectu aether planetis, tendentibus versus lineam, quae ex continuatione axeos solis oriretur, non semper directe resistit in ista linea, secundum quam tendunt planetae, sed potius tanquam planum inclinatum considerandus est aether, a planeta versus centrum solis tendens. Itaque si motum rotationis planetarum simul consideremus, tum illis a latere eo, quod ab aequatore est aversum, resistitur, eoque pari modo moventur transversim per aetherem motum ab occasu orientem versus, sicuti cymba remis; dummodo hae mutantur circumstantiae, nimirum in cymba directiones



remorum, in planetis vero relative directiones fluidi aetherei, ita ut planum inclinatum interdum a meridie, interdum a septentrione resistat planetae.

§. XL.

Tab. II.

Fig. 7.

Restat, ut demonstretur, unde fiat, ut ab aequatore planetae aberrant, quam ad rem fig. 7. potest adhiberi, modo ut satis accurate vires impellentes considerentur. Collocato igitur sole in centro C, planeta in puncto V, actio planetae in fluidum dirigitur ab A versus B ob vim planetae centripetam, quam a motu suo circa suum axin S M ex resistantia maiori aetheris in quarta parte accepit. §. IV et VI. Coordinatio vero aetheris, qui solem ambiens movetur, aequalibus distantis a centro solis exprimi potest lineis $CX = CY = CZ$. quae quidem aequalibus distantis a sole aequaliter abeunt. Sin eas consideremus, quatenus tendentiae planetae A B resistunt, ad hunc quod attinet, inaequaliter resistunt. Nam pars S P O hemisphaerii planetae P S M O, cui resistitur a fluido $CX = CY = CZ$ minor est parte P M O. Ergo resistantia in parte P M O facta maior debet esse, quam in parte P S O. Cum itaque planetae in parte P M O magis resistatur ab aethere, recedat necesse est ab eo loco, ubi maior facta sit resistantia. Moveretur ergo ex hac ratione sola, nisi quid esset, in linea V R. Quia vero tendentia A B planetae angulum includit cum tendentia V R, actu moveri non potest in linea V R, sed in diagonali, quae ex his viribus angulum includentibus oritur P E.

Movetur ergo a tropico capricorni V aequatorem versus E. Porro in aequatore E omnes vires in se invicem agentes aequales sunt et directo oppositae. Quare quiesceret hic planeta, nisi antea in motu fuisset a tropico capricorni V versus aequatorem E tendens. Quia ergo vires impellentes in tota via ab V usque ad E semper fuerunt in V et nulla adhuc resistantia facta est motui, ut continuet suum motum planeta necesse est, dum resistantia quaedam illi motui opponatur. Continuato autem motu ab E versus W in parte P S O hemisphaerii P S M O planetae, resistantia maior fit similiter atque demonstravi ante in loco opposito. Ergo cum antea quies ex hac resistantia maiore nasceretur, nunc denuo motus oritur, a tropico cancri W versus aequatorem E. Facilius haec intelligerentur, siquidem motus et fluidi aetherei et planetae in figura repraesentari possent.

§. XLI.

§. XLI.

Possunt autem illi planetarum motus progredientium et regredientium similitudine illustrari. Mittatur iactu per aerem lapis ita, ut simul circa suum centrum citissime volvatur. Videbis lapidem modo dextrorsum, modo sinistrorsum, quemadmodum planeta solet, a via paulum secedere, quemadmodum planeta ab aequatore secedit. Quod si lapidis motum rotationis consideres et aeris resistantiam, adparebit, illum atque planetam, ad impulsus quod attinet a corpore fluido, in quo moventur, in utrumque factum sub iisdem esse circumstantiis. Quamquam enim in eo discrimen sit, quod planeta una cum aethere a solis rotatione commoto fertur, ipse relative quiescens, lapis contra movetur, aere quiescente; tamen in re ipsa, id est in resistantia a corpore fluido facta utrimque discriminis nihil est. Nam sive quiescat aether vel aer, sive sit in motu, resistit. Caeterum in utroque corpore, planeta quidem et lapide, vis est centripeta, in illo quidem a resistantia maiore in quarta eius parte facta; §. IV usque ad VI, in lapide a sua ipsius gravitate. Figura restat, diversa in utroque corpore, quam planeta globosam habet, cum lapidis ad discum accedat. Ab hac ipsa vero figurae diversitate phaenomenorum similitudo in corporibus illis pendet, planetarum scilicet progressus ab aequatore, et lapidis, iactu per aerem missi, a via seu directione secessio et reditio. Ac in globo quidem impulsus omnis ad centrum tendit. Itaque ut globus in plagas diversas motu feratur, necesse est impulsus fiat in eundem a plagis diversis, sed ita, ut axeos situs maneat idem; quod contingere nequit, nisi aether in circulari vel potius globoso sit motu, et planeta versus illius axin motus pressione tendat. Hoc autem posito, impulsus aetheris in planetam pro ratione loci, in quo sit planeta, modo a dextro, modo a sinistro latere fiet, ac proinde planeta progredietur primum ab aequatore ad tropicum, ac deinde regredietur. Contra ea vero in lapide aeris diversa directione opus non est; sed cum latus sit lapis, quoniam ei in eiusmodi superficie aequaliter semper resisti nequit, necesse est, ut vertatur oblique, quod eum habet effectum, ut aeris resistantia per vices maior sit nunc in dextra, nunc in sinistra parte. Vnde fit, ut per aerem feratur lapis eiusmodi volatu, quali angues volucres volant. Vides ergo, et planetam et lapidem a directione



sua primaria semper secedere in ea parte, vbi maior est aetheris aut aeris in eosdem impulsus; nec aliam esse rerum diversitatem nisi hanc, quod in planeta impulsus aetheris propter eius motum aetheris est diversus; in lapide contra propter directionum varietatem in superficiebus resistentia est diversis temporibus diversa, cum interim in utroque corpore idem sequatur effectus, nimirum motus, qui volatus anguium similitudinem habet.

§. XLII.

Perspectis sic causis omnium terrae motuum, cum ratione celeritatis motus rotationis diversae, §. XXXIII, XXXVI. tum ratione figurae ellipticae eius orbitae. §. XXXVI. et denique ratione aberrationis ab aequatore §. XL.; omnia phaenomena, quae pertinent ad terram nostram, sive aestate, sive autumno, sive hieme, sive vere appareant, poterunt declarari.

§. XLIII.

Restat, ut generaliora quaedam de reliquis quoque planetis adducamus. Et ad magnitudinem quidem eorum quod attinet, vel massam, si conferantur cum celeritate motus et progressivi, et rotationis, apparebit, cur circuli aut ellipses, quas describunt, tam diversa sint magnitudine.

§. XLIV.

Ad id quod attinet, eius massam aut magnitudinem, (concludo enim hic a magnitudine ad massam, et relationem massarum accipio, ut relationem magnitudinum, quod in hoc casu parum differt.) minimam invenimus, in respectu ad reliquos planetas primarios. Celeritatem eius motus progressivi invenimus maximam, ex adductis §. XXIII. Causam motus rotationis maiorem esse, quam in reliquis planetis, exinde colligimus, quia propter minus a sole intervallum radii solares magis sunt concentrati, aut densiores sunt, unde eorum impetus rotationem produciens maior, adeoque motus rotationis ipse maior, quam in reliquis planetis: quamquam tempus rotationis eius planetae, nimirum Mercurii adhuc non potuit observari, quoniam maxima pars eius illuminata, quae e nostra terra videri potest, non nisi dimidia pars est eiusdem.

§. XLV.

Ex motu maiore et progressivo et rotationis magna nascitur resistentia in quarta parte, ex hac resistentia in quarta parte maiore in

in respectu ad massam, aberratio sequitur maior a linea recta. Cum ergo in \S rio, praecipue circumstantias ratione et massae et celeritatum offendamus eiusmodi, ex quibus aberratio maior a linea recta pendet; consequens est, ut minimum \S ius circulum inter planetas percurrat. Id quod experientia confirmat.

§. XLVI.

In \S re maior quidem magnitudo est, quam in \S io, sed minor celeritas motus est progressivi et rotationis. Itaque resistentia aetheris ex quarta parte, in ratione ad massam minor, et circulus maior est.

§. XLVII.

In ∇ ra et massa maior est, quam in \S re et \S io, et celeritas motuum minor. Igitur aberratio etiam a linea recta necessario minor est, ideoque circulus maior, quam priorum circuli planetarum.

§. XLVIII.

\S ratione magnitudinis inter minores referendus est planetas. Ut autem, quod iter revera emetitur, possit emetiri, causae requiruntur efficientes illum motum proportionatae, quae posita sunt in his:

- 1) in magnitudine minore: ea re enim efficitur, ut minor quantitas radiorum solarium planetam impellere possit, unde rotationis motus minor existit.
- 2) in isto loco, quem tenet, solis radii tam densi non sunt, quam in \S io et \S re. Itaque eorum impetus minorem habeat effectum necesse est.
- 3) motus etiam aetherei fluidi progressivus in isto a sole intervallo languidior est, quam in tribus prioribus planetis. Ac proinde causae, quae efficiunt, ut a linea recta declinet planeta, minores sunt, quam in prioribus planetis. Itaque aberratio a linea recta ipsa minor est.

Quamquam igitur eius massa sit minor, tamen istum locum obtinere potest, quem obtinet.

§. XLIX.

∇ magnitudine multis modis superat quatuor priores planetas, sed contra celeritate motus progressivi ipse ab illis valde superatur, ita quidem, ut si consideres eius impetum ex massa in celeritatem, magna postuletur vis resistens in quarta parte planetae propter tantam massam, unde eius pendet a linea recta aberratio. Ea vis nulla alia in re posita est, nisi in motu rotationis maiore.

Causa



Causſa autem motus rotationis tanta, in ſola ſuperficie amplitudine quaerenda eſt, quia in eandem ingens impetus radiorum ſolarium cadere poteſt. Igitur etiamſi ſolis radii propter diſtantiā planetae tantam a ſole valde ſint diſperſi, tamen ob maiorem quantitatem, qua in illum agunt, producere poſſunt magnam celeritatem motus rotationis, quod experientia quotidiana confirmat rotis molaribus maioribus, quae adhibendae ſunt, quando vis impellens aquae languidior eſt.

§. L.

§. cum maiori etiam intervallo a ſole ſit ſeiunctus, quam 4, et magnitudine cum 4 conveniat, ex rationibus adductis conſequens eſt, vt eius motus progreſſivus ſit minor, motus rotationis minor, aberratio eius a linea recta minor, ac circulus maior.

§. LI.

Pereſpectis igitur circumſtantiis omnibus, ſub quibus diverſi eveniunt planetarum primariorum motus, poſſunt phaenomena omnia, quae ex eorum motibus exiſtunt, tali modo explicari, vt aetheris conſiderentur directiones, ſimulque rotationes planetarum: quibus rite pereſpectis, explicatio erit facillima.

§. LII.

Neque putandum eſt, his finibus ita circumſcribi noſtrum de cauſſa motus planetarum ſyſtema, vt nihil inde, quod ad alia corporum explicanda phaenomena proſit, peti queat. Poſtquam enim illud per ſingulas partes animo ſaepe luſtravi, et commentatus ſum diligenter; viſus ſum mihi videre corporum cum gravitatis, tum etiam cohaeſionis cauſſas hucusque, quod conſtat, plane incognitas. Cuius aſſerti fidem facillime liberabo (nam de priori quidem, corporum ſcilicet gravitatis cauſſa litteris iam ſunt mandatae cogitationes meae) ſimul atque intellexero, neque hoc, quod nunc edo de planetis ſpecimen, rerum peritis improbari, neque quod molior opusculum, ingratum illis eſſe futurum.

§. LIII.

Ad cauſſam motus planetarum ſecundariorum explicandam progredior. Haec plane alia eſt atque in planetis primariis, aliae etiam viae, quas illi percurrunt, atque in planetis primariis, circa quas moventur. Nam ſi motus ſpectatur ex illo planeta primario, circa quem



quem volvitur secundarius, linea quam hic percurrit, ellipsis esse videtur; si eius motum per se spectes, cycloides est.

§. LIV.

Causa, unde vires pendent impellentes planetarum secundariorum, duplex est. Una posita est in motu fluidi aetherei circa solem, ex quo planeta primarius motum suum progressivum obtinet, altera in motu fluidi circularis circa planetam primarium, qui oritur ex motu rotationis planetae primarii. Hic enim dum tanquam corpus asperum in fluido corpore circa suum centrum volvitur, fluido eundem motum circularem tribuit, uti §. XX. demonstravi, itemque quemadmodum de sole demonstravi §. XXIII.

§. LV.

Notandum tamen, quia planeta primarius simul cum fluido aethereo circa solem movetur, fluidum etiam a motu rotationis planetae primarii commotum, respectu solis situm suum mutare.

§. LVI.

In fluido, quod tali modo movetur, quem descripsi, sicubi sit corpus aliquod liberum, illud a fluidi circularis motu circa planetam impellitur, et ab eiusmodi impulsu movetur cum eadem celeritate, quam fluidum in isto loco, in quo corpus est, habet.

§. LVII.

Nunquam vero ex solo fluidi corporis circulari motu corpus solidum liberum ab illo impulsu percurreret lineam curvam, sed uti in §. XXI. dixi, a centro motus fluidi in linea tangente abiret. Qualis quidem recessio cum in planetis secundariis non fiat, necesse est, causa sit aliqua, quae efficiat, ut centrum versus tendat.

§. LVIII.

In planetis primariis causa, quae efficit, ut planeta tendat versus centrum motus fluidi corporis, motus est rotationis planetae, et ex hoc quidem simul atque motu progressivo, in quarta parte maior orta resistentia. Contra in planetis secundariis cessat motus rotationis vehementior. Itaque alia ut adsit causa, unde versus centrum motus fluidi tendat, necesse est.

§. LIX.

Quodsi igitur accurate perpendas actiones fluidi aetherei in planetam secundarium, apparebit, motum aetheris circularem circa solem, cum motu circulari aetheris circa planetam primarium simul



efficere posse, ut tendat planeta secundarius versus centrum motus fluidi circa planetam primum, quod sequens figura facillime monstrabit.

§. LX.

Tab. II.
Fig. 9.

Sit igitur A B via, quam percurrat planeta aliquis primarius, simulque animadvertatur, quoniam aethereum fluidum, in quo volvitur planeta, a solis motu circa centrum circulare accepit motum, directionem, qua aether agit, esse cum planetae via parallelam. Repraesentet porro L M N O motum aetherei fluidi, quem illud a motu rotationis planetae primarii accepit. Dividatur circulus repraesentans motum aetheris circa planetam primum in partes aequales octo et viginti. Similiter etiam via, quam percurrit planeta primarius, dividatur in partes totidem, ita quidem, ut planeta primarius et secundarius aequali tempore suae quisque viae partem absolvant $\frac{1}{28}$.

§. LXI.

Cum ergo vis impellens planetam secundarium duplex sit, una a motu aetheris circulari, qui a solis motu circa eius centrum pendet, altera a motu planetae primarii circa eiusdem centrum orta; tendet in loco L positus planeta secundarius ex illa vi ab L versus A; ab hac autem vi ab L versus 1. in circulo exteriori, ac tantundem quidem utrobique tendet. Propterea in motu ipso via inter illos nifus seu tendentias medias media ibit, hoc est in linea diagonali L 1. Facto hoc motu per partem viae octavam et vicesimam, planeta primarius est in 1, secundarius in 1. circuli exterioris, ac altero iam nifu duplici secundarius planeta tendet per partem vicesimam octavam alteram, nimirum propter motum aetheris circulare a sole ortum, qui parallelus est motui planetae primarii, et ob motum aetheris a planeta primario. Et prior quidem nifus sive tendentia ab L ad regionem $\tau\tilde{x}$ A spectat, in linea parallela cum via planetae primarii, posterior ab 1 ad 2. Rursus ergo, quemadmodum antea, movebitur secundarius planeta in linea diagonali 1-2, et sic porro in ceteris partibus.

§. LXII.

Accurate si inspicias figuram hancce, ac vires spectes agentes, ad angulos quod attinet, quos illae includunt, facile apparebit, angulos virium agentium admodum esse diversos. Etenim in L pro-

pemo-



pemodum rectus est. Quovis autem sequenti intervallo acutior fit angulus, ita quidem, ut in Nr. 7 - 8. propemodum exstinguatur, viriumque agentium directiones fere sint in vna eademque linea recta. In Nr. 9. rursus incipiunt crescere anguli eum in finem, ut in Nr. 5 x et 6 x angulus fere sit rectus. A Nr. 6 x. vsque ad Nr. 3 x x anguli fiunt obtusiores magis ac magis, donec in Nr. 3 x x directiones fluidorum impellentium fere sint contrarii. A Nr. 3 x x vsque ad punctum L anguli minus ac minus obtunduntur, donec in L rectus rursus appareat angulus. Figurae novae, ut spatii esset compendium, haec ratio instituta est, ut numeri ab 1, ad 9 repraesententur, et vnaquaeque decas figuram Romanam X habeat, cui numero deinceps reliqui numeri addantur, idque ad confusionem vitandam.

§. LXIII.

Ex iis, quae priori §. modo dicta sunt, sequitur, ut lineae diagonales ex illis viribus ortae, quas percurrunt planetae secundarii, aequalibus temporibus diversae sint magnitudinis. Itaque cum spatia, quae percurrit planeta primarius, aequalibus temporibus sint aequalia; sequitur, ut planetae secundarii eandem non semper habere possint distantiam a primariis, sed iisdem sint interdum propinquiore, interdum ab illis remotiores, pro causarum circumstantiis.

§. LXIV.

Porro considerans vires aetheris in planetam secundarium impellentes, intelliges, dum suam planeta secundarius orbitam describit, vim impellentem per totam superficiem planetae secundarii successive transferri, adeoque effici posse, ut planeta secundarius accipiat motum rotationis circa suum centrum, sed non citatum, vi autem impellenti proportionatum, Quoniam vero vis impellens non perpetuo agit aequaliter, motus etiam rotationis ut non semper sit aequalis, consequitur.

§. LXV.

Ex hoc inaequali rotationis motu oriri poterit motus librationis lunae, a parte et orientali et occidentali. Fortassis etiam impulsus radiorum solarium aliquid ad hunc motum confert. Minime vero impulsus radiorum solarium, motum rotationis planetarum secund-



secundariorum reddere vehementiorem potest, quod de planetis primariis §. XXVIII vsque ad XXXII. demonstravi, propterea, quod via, quam percurrit planeta secundarius, ei motui non respondet.

§. LXVI.

Cum planetae primarii in viis suis aberrent ab aequatore, ac circa axes planetarum primariorum volvantur, qui axes eandem semper servant directionem; necesse est, ut planetae etiam secundarii ab aequatore aberrent, quia vires fluidi planetam secundarium impellentes, interdum fortius agunt, in parte meridionali planetae secundarii, interdum fortius in parte septentrionali eiusdem planetae. Atque ex accurata inspectione virium agentium explicari etiam poterit motus librationis planetarum secundariorum, a septentrione versus meridiem, et vice versa.

§. LXVII.

Cum autem planetae primarii ob motum progressivum nunquam in vno loco quiescant, efficitur, ut quanquam planeta secundarius suam directionem semper versus centrum planetae primarii servare conetur, tamen nunquam accurate cum eodem congruat, quia dum planeta secundarius sese vertit versus centrum planetae primarii, planetae primarii centrum iam ab eo loco, ubi antea erat, discessit. Ergo necesse est, ut eadem pars planetae secundarii semper sit directa versus punctum extra planetam primarium haerens.

§. LXVIII.

Haec fere sunt, quae de causis motus planetarum et primariorum et secundariorum dicere apud animum proposueram. Ubique brevitate, quantum potui, usus sum, ne limites dissertationis excederem. Quod si qui sint, quibus de planetarum primariorum et secundariorum viis amplius, quam mihi innotuerit, illi etiam, me non praeunte, poterunt, quod confido, e generali hac theoria, quam hic dedi, phaenomena omnia planetarum facillime explicare, siquidem circumstantias omnes rite considerent. Caeterum ut faveat conatibus nostris rerum peritus lector, utque illos adiuvet, vehementer rogamus.

ERRATA.

- p. 1. mathematic lege mathematique
- p. 1. alteration -- alterations.
- p. 1. dons lege dans
- p. 6. §. XI. progressivi lege progressivi
- p. 14. §. XXXIV. raperiuntur -- reperiuntur